



BOSNA I HERCEGOVINA

FEDERACIJA BOSNE I HERCEGOVINE

KANTON SREDIŠNJA BOSNA/SREDNJOBOSANSKI KANTON

MINISTARSTVO PROSTORNOG UREĐENJA, GRAĐENJA,
ZAŠTITE OKOLIŠA, POVRATKA I STAMBENIH POSLOVA

TRAVNIK

Broj:	07-11-1447/23	Za:	SVIM OPĆINAMA KSB/SBK
Datum:	02.03.2022.		
Predmet:	Javni oglas, za projekte namijenjene za zaštitu životne sredine u 2023.g. iz sredstava Fonda za zaštitu okoliša KSB/SBK, dostavlja se		

Poštovani,

Na osnovu Programa utroška sredstava sa kriterijima za raspodjelu namjenskih sredstava za zaštitu životne sredine za 2023.g. iz sredstava Fonda za zaštitu okoliša KSB/SBK, Ministarstvo prostornog uređenja, građenja, zaštite okoliša, povratka i stambenih poslova KSB/SBK, Travnik je na odgovarajući način pristupilo rješavanju okolišnih problema, te Vam u prilogu dostavlja Javni oglas za podnošenje prijave po programskim oblastima za koje možete dostaviti projekte

Molimo Vas da isti objavite na oglasnim pločama i/ili web.stranici općina KSB/SBK, te oglasnim pločama Mjesnih zajednica.

Javni oglas može se preuzeti i na web stranici Vlade KSB/SBK: www.sbk-ksb.gov.ba

U prilogu Javnog oglasa nalazi se Obrazac za prijavu projekata koji je potrebno popuniti i ovjeriti, te uz navedene priloge u propisanom roku dostaviti u Ministarstvo prostornog uređenja, građenja, zaštite okoliša, povratka i stambenih poslova (**adresa:** Stanična 43, 72000 Travnik) u zatvorenoj kuverti s posebnom naznakom za koju programsku oblast se točno prijavljujete s naznakom NE OTVARAJ.

S poštovanjem,

Prilog:

- Javni oglas,
- Obrazac prijave



Ministar

Amir Šećibović, prof.

Adresa: Stanična 43, 72270 Travnik, centrala: ☎ (030) 511311; 511215; Faks: 540-291;

e-mail: min.prostorno@sbk-ksb.gov.ba

Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna

Ministarstvo prostornog uređenja, građenja, zaštite okoliša, povratka i stambenih poslova

Temeljem Odluke o usvajanju Programa utroška sredstava sa kriterijima za raspodjelu namjenskih sredstava namijenjenih za zaštitu životne sredine za 2023.g iz sredstava Fonda za zaštitu okoliša KSB/SBK, broj: 01-11.7-973/23 od 09.02.2023.g., a u cilju planiranja, kvalitetne izrade i transparentne provedbe planova zaštite okoliša u 2023.g., Ministarstvo prostornog uređenja, građenja, zaštite okoliša, povratka i stambenih poslova u Travniku objavljuje:

J A V N I O G L A S

Za podnošenje prijava za projekte namjenskih sredstava namijenjenih za zaštitu okoliša u 2023.g. iz sredstava Fonda za zaštitu okoliša KSB/SBK

I. Predmet javnog oglasa

Predmet Javnog oglasa je prikupljanje prijava za programe/projekte za raspodjelu sredstava ukupnog iznosa **1.375.000,00 KM**, a koji se odnose na sljedeće:

1.Sufinanciranje drugim nivoima vlasti - za projekat utopljanja stambenih zgrada radi uštede energije

Utopljanje stambenih zgrada na području Kantona Središnja Bosna/Srednjobosanski kanton radi uštede energije i povećanja energetske efikasnosti, kako bi se doprinijelo smanjenju negativnih uticaja na globalne klimatske promjene.

2. Sufinanciranje drugim nivoima vlasti - za projekat utopljanja javnih objekata radi uštede energije

Ulaganje u povećanje energetske efikasnosti, poboljšanje energetske efikasnosti i utopljanje javnih objekata radi uštede energije u javnom sektoru kao što su uspostava energetski učinkovite i smanjene potrošnje energije u javnim objektima i jedinicama lokalne samouprave, gdje se prioritet daje zdravstvenim i odgojno obrazovnim institucijama.

3. Sufinanciranje izgradnje i jačanje infrastrukture (vodovodne i kanalizacijske mreže i sl.) kao poticanje održivom gospodarskom razvoju, a u svrhu zaštite okoliša

a. Programe, projekte i slične aktivnosti iz oblasti zaštite voda koji su od značaja za Kanton KSB/SBK, a obuhvataju projekte kanalizacijskih sustava i postrojenja za prečišćavanje otpadnih voda urbanih područja – općina i MZ, odnosno regionalni sustavi;

b. Programe, projekte, i slične aktivnosti iz oblasti zaštite voda, koje se odnose na: zaštitu izvorišta – vodozaštitne zone (koji podrazumjevaju izradu elaborata, provođenja mjera zaštite na mjestima gdje su elaborati urađeni i donesena odluka o zaštiti izvorišta), održivo upravljanje

otpadnim vodama, podsticanje održivog korištenja voda, monitoring kvaliteta voda i slične aktivnosti koje su u skladu sa poglavljem 6. Zakon o vodama FBiH („Službene novine FBiH“, broj: 70/06);

c. Zaštita kvaliteta voda u smislu izgradnje infrastrukture u cilju zaštite okoliša (izgradnja i saniranja kolektorskih mreža, tretman i monitoring otpadnih voda i druge slične aktivnosti u oblasti upravljanja otpadnim vodama, zaštita izvorišta - vodozaštitnih zona, rješavanje problema u oblasti vodosnabdijevanja i poticanje održivog korištenja voda);

d. Zaštita kvaliteta voda, radi zaštite flore i faune i slične aktivnosti od značaja za zaštitu okoliša i zaštitu voda;

e. Sufinanciranje projekata iz oblasti upravljanja vodnim resursima (vodama) koji su djelomično završeni, te je zbog nedostatka finansijskih sredstava njihova realizacija zaustavljena ili postoji mogućnost da neće biti završeni na okolišno prihvatljiv način.

4. Sufinanciranje programa u cilju zaštite okoliša, koji rješavaju probleme zagađenja otpadom, te predstavljaju veliki pritisak na okoliš i ugrožavaju živote i zdravlje ljudi kroz:

- a) saniranje površina na kojima se nalaze nelegalna odlagališta u općinama KSB/SBK;
- b) saniranje i/ili zatvaranje odlagališta otpada životinjskog porijekla;
- c) povećanje stupnja reciklaže otpada,
- d) poboljšanje selektiranja otpada,
- e) uspostava sistema odvojenog prikupljanja otpada (zeleni otoci-kontejneri) u svim općinama KSB/SBK
- f) infrastruktura gospodarenja otpadom te izgradnja reciklažnih dvorišta

5. Provođenje mjera za sprječavanje širenja i uništavanje korovske biljne vrste ambrozije Smanjivanje rasprostranjenosti ove korovske biljne vrste (ambrozija), a u svrhu poboljšanja kvalitete života i smanjenja alergijskih problema kod osoba osjetljivih na ovu vrstu jako rasprostranjene biljke

Smanjivanje rasprostranjenosti ove korovske biljne vrste (ambrozija) kroz provođenje mjera za sprječavanje širenja i uništavanje korovske biljne vrste ambrozije, a u svrhu poboljšanja kvalitete života i smanjenja alergijskih problema kod osoba osjetljivih na ovu vrstu jako rasprostranjene biljke.

6. Sredstva za implementaciju Kantonalnog plana zaštite okoliša (KEAP) i Kantonalnog plana upravljanja otpadom za period 2015.g-2025.g

50.000,00 KM

Okolišno održivi ekonomski razvoj se može postići samo planskim pristupom rješavanju identificiranih problema, te postavljanjem novih ciljeva koji neće dozvoliti dalje narušavanje kvaliteta okoliša. S tim u vezi, razvijena je i metodologija izrade nacionalnih i lokalnih akcionih planova u oblasti zaštite okoliša kojima se oblikuje novi pristup u planiranju i implementaciji zaštite okoliša. Akcioni planovi za zaštitu okoliša predstavljaju razvojno-planske dokumente koji na osnovu procjene stanja okoliša, utvrđenih okolišnih problema i prioriteta, te definiranih strategija/akcija doprinose unapređenju stanja okoliša područja za koji se on izrađuje.

Kako bi provođenje KEAP-a i KPUO-a bilo što uspješnije, potrebno je godišnje planirati sredstva kako bi se mogao implementirati Akcioni plan koji podrazumijeva proces stalnog praćenja, analiziranja i sumiranja rezultata provedbe ova dva strateška okolišna dokumenta, te redovno izvještavanje svih zainteresiranih strana.

7. Upravljanje spomenikom prirode "Prokoško jezero"

20.000,00 KM

Kako bi se uredila pitanja zaštite, unapređenja i korištenja Spomenika prirode "Prokoškog jezera" radi očuvanja geoloških, geomorfoloških, hidroloških, bioloških i dr. vrijednosti potrebno je regulirati status upravljača Spomenikom prirode, način financiranja, prava i obveze te odgovarajuća ovlaštenja u vezi s upravljanjem Spomenikom prirode.

Imajući u vidu Zakon o zaštiti prirode KSB/SBK, po kojem je kantonalno ministarstvo nadležno za obavljanje postupaka vezanih za zaštitu zaštićenih područja - Spomenik prirode "Prokoško jezero", tako Ministarstvo prostornog uređenja, građenja, zaštite okoliša, povratka i stambenih poslova KSB/SBK, predlaže pokretanje postupka davanja Spomenika prirode na upravljanje, (Zakon o proglašenu spomenika prirode "Prokoško jezero", Sl. novine KSB/SBK, br:12/05, 5/22).

Pravo sudjelovanja ostvaruju: općinski organ vlasti KSB/SBK, privremeni upravitelj Spomenika prirode Prokoško jezero

Očekivani učinci: Smanjivanje prekomjernog iskorištavanja prirodnih dobara, sprječavanje propadanja prirodne vrijednosti - Prokoško jezero odnosno održivo korištenje prirodnog dobra. Zaštićena i održiva uporaba okoliša, podizanje kvalitete osnovne infrastrukture kao pretpostavke za daljnji razvoj uz istodoban razvoj poljoprivrede, ekološkog turizma i gospodarstva.

8. Projekti jačanja javne svijesti o značaju zaštite okoliša

10.000,00 KM

Ovaj dio programa obuhvaća projekte koji se odnose na jačanje javne svijesti u području zaštite okoliša i energetske efikasnosti na teritoriji KSB/SBK i to kroz slijedeće:

- Projekti jačanja javne svijesti o značaju zaštite okoliša kroz promotivne kampanje, potporu projektima odvojenog prikupljanja i privremenog skladištenja materijala za reciklažu, kao i poticaj za korištenje drugih okolišno prihvatljivih načina ambalažiranja proizvoda: poticaj minimiziranju, ponovnom korištenju i recikliranju otpada (papir, staklo, metal, plastika, biootpad, glomazni otpad, opasni otpad).
- Projekti zaštite okoliša nevladinih registriranih udruženja i neprofitnih organizacija i međunarodnih organizacija za pomoć i suradnju, kao i JU za Osnovno i JU za Predškolsko obrazovanje;
- Održavanje manifestacija, kongresa, simpozija sa aktuelnim temama zaštite okoliša i energetske efikasnosti.

Prioritetna područja:

1. Zaštita okoliša i energetske efikasnosti: očuvanje i poboljšanje kvalitete zraka, tla i voda, te ublažavanje klimatskih promjena i zaštita ozonskog omotača, unapređenje stanja okoliša i prostora urbanih i ruralnih sredina, upravljanje otpadom (poticaj minimiziranju, ponovnom korištenju i recikliranju otpada), promocija obrazovanja za zaštitu okoliša i održivi razvoj.
2. Zaštita prirode: aktivnosti unutar zaštićenog područja, edukacija i akcije za očuvanje, programi edukacije i osposobljavanja javnosti/volonterske skupine, programi edukacije i jačanja svijesti o strogo zaštićenim vrstama.

Očekivani učinci: Omogućiti stjecanje znanja i vještina o različitim aspektima okoliša i prirode i njihovoj zaštiti na moderan i interaktivan način.

Kriteriji za izbor programa: finansiranje/sufinansiranje projekata usmjerenih na jačanje svijesti o značaju kvalitetnog upravljanja otpadom, zaštite zraka, voda, tla i očuvanju, kao i promociji i održivom korištenju okoliša i prirodnih resursa.

9. Interventna sredstva

250.000,00 KM

Interventna sredstva su financijska sredstva koja Ministarstvo iz sredstava Fonda za zaštitu okoliša SBK može dodijeliti financijsku pomoć u svrhu sufinanciranja/financiranja intervencije u okolišu s ciljem provođenja mjera otklanjanja šteta u okolinu i prijeteće opasnosti od štete po okoliš i ljudsko zdravlje.

Interventne mjere su mjere koje se određuju u svrhu otklanjanja utvrđene potencijalne opasnosti od nastanka štete, odnosno radi nastanka posljedica od štete u okolišu (obavljanja opasnih djelatnosti operatora pogona i postrojenja, obavljanja djelatnosti kojima se izazovu štete u okolišu i/ili na zaštićenim vrstama ili prirodnim staništima, posljedica prirodnih /elementarnih nepogoda i sl.).

Hitne mjere otklanjanja šteta u okoliš i potencijalne opasnosti od štete su mjere koje se poduzimaju u slučajevima otklanjanja iznenadne prijeteće opasnosti od štete i prilikom prirodne nepogode ili ekološke nesreće, a radi hitnog otklanjanja nastalih, te širenja mogućih štetnih posljedica za zdravlje i okoliš, kao i radi spriječavanja nastanka daljnjih opasnosti i domino efekta nakon nastale štete u okolišu.

Za potrebe financiranja *interventnih i hitnih mjera*, a prema podnesenom zahtjevu i utvrđenoj potencijalnoj opasnosti od nastanka štete u okolišu, na prijedlog Ministarstva Vlade SBK donosi Odluku o izdvajanju interventnih sredstava.

Sredstva se mogu koristiti za saniranje i/ili ublažavanje nastanka štete u okolišu, smanjivanje nastajanja i obradu otpada, zaštitu i očuvanje biološke raznovrsnosti, provedbu energetskih programa i programa uštede energije, eko incidenate.

II. Pravo učešća

Prijavu projekta na Javni oglas po oblastima imaju pravo podnijeti:

Programska oblast 1: putem općinskog organa vlasti.

Programska oblast 2: kantonalni i općinski organi vlasti KSB/SBK; javne ustanove Vlade KSB/SBK i javni objekti.

Programska oblast 3: općinski organi vlasti KSB/SBK, MZ uz suglasnost općine na području Kantona KSB, Javna komunalna poduzeća.

Programska oblast 4: općinski organi vlasti KSB/SBK; Javna komunalna poduzeća sa područja KSB/SBK, poduzeća koja posjeduju dozvole za aktivnosti male privrede u upravljanju otpadom/okolišne dozvole.

Programska oblast 5: općinski organi vlasti KSB/SBK i Javna komunalna poduzeća sa područja KSB/SBK.

Programska oblast 6: općinski organi vlasti KSB/SBK

Programska oblast 7: općinski organi vlasti KSB/SBK, privremeni upravitelj

Programska oblast 8: registrirana udruženja i neprofitne organizacije, međunarodnih organizacija za pomoć i suradnju, JU za Osnovno obrazovanje i JU za Predškolsko obrazovanje

Programska oblast 9: općinski organi vlasti KSB/SBK; javne ustanove Vlade KSB/SBK i javni objekti, Javna komunalna poduzeća

III. Kriteriji odabira projekata

Osnovni minimalni uvjeti prijave za odabir projekta:

- Čitko popunjenu, potpisanu i ovjerenu prijavu na obrascu koji je dostupan u Odjelu za zaštitu okoliša u Ministarstvu prostornog uređenja, građenja, zaštite okoliša, povratka i stambenih poslova u Travniku, u nadležnoj općinskoj službi ili na web stranici Vlade KSB/SBK ili u nadležnoj Općinskoj službi,
- Ovjeren predmjer i predračun radova od stručne osobe, odnosno specifikacija materijala za svaki nominirani projekt.

Ukoliko se ustanovi da aplikant nije priložio potrebne dokumente, njegova prijava neće se uzeti u razmatranje.

Prijave koje se uzimaju u razmatranje i ispunjavaju minimalne uvjete se dalje stručno boduju prema slijedećim **osnovnim stručnim kriterijima**:

1. Kvalitet i relevantnost projekta (pripremljenost)- usklađenost sa ciljevima i aktivnostima općinskih strateških dokumenata- plan zaštite okoliša _Lokalni ekološki akcioni plan LEAP-a, odnosno sa temom /programskom aktivnošću rednog broja 1, 2, 3, 4, 5 max.20 bodova
2. Stupanj povoljnog utjecaja na okoliš i održivost projekta max.20 bodova
3. Sufinanciranje u promatranom periodu za određeni projekt max.20 bodova
4. Nastavak realizacije već započetog projekta koji se radi u fazama max.10 bodova

Da bi prijava bila stručno prihvatljiva, treba biti ocijenjena sa minim. 50 bodova, a max. broj bodova koji može biti dodijeljen od strane povjerenstva za stručnu ocjenu prijava po Javnom oglasu iznosi 70.

Uvjete koje trebaju zadovoljiti aplikanti kako bi bili na listi prihvatljivih projekata su:

- a) Prijava je zadovoljila formalno-pravne uvjete učešća,
- b) Prijava je zadovoljila minimalne stručne kriterije po javnom oglasu,
- c) Projekt je stručno ocijenjen, tj. ima minimalno 50 bodova.

Povjerenstvo za stručnu ocjenu će razmotriti pristigle prijave po objavi Javnom oglasu i ocijeniti ispunjenost osnovnih minimalnih uvjeta za odobravanje istih, potom bodovati prema osnovnim stručnim kriterijima i sačiniti popis svih dostavljenih i prihvatljivih prijava s obrazloženjem i mišljenjem.

Popis svih prihvatljivih prijava Povjerenstvo za stručni odabir dostavlja ministru, koji izrađuje popis projekata za sufinanciranje/financiranje na osnovu Javnog oglasa za dodjelu sredstava za realizaciju programa, projekata i sličnih aktivnosti iz područja zaštite okoliša za 2023. godinu, a prema posebnim kriterijima.

Posebni kriteriji na osnovu kojih Vlada KSB na prijedlog ministra donosi Odluku o raspodjeli i izdvajanju sredstava sa sačinjenog popisa prihvatljivih prijava povjerenstva za stručnu ocjenu, a koje zadovoljavaju stručne kriterije su slijedeći:

1. Razvojni kriterij (projekt je od značaja za Kanton, održivost i razvoj zajednice)
2. Disperzna raspodjela sredstava po općinama (u skladu sa veličinom i potrebama općine)
3. Ranija iskustva s aplikantom u smislu ozbiljnosti pristupu i realizaciji kandidiranih projekata

IV. Način izbora korisnika

Aplikanti dostavljaju dokumente koji će se uzeti u obzir kako bi se prijave mogle bodovati prema **osnovnim stručnim kriterijima** od strane povjerenstva za stručni odabir:

- Izjava nadležne općinske ili kantonalne institucije da nominirani projekt spada u neku od kategorija Javnog oglasa i usklađenost sa nekim strateškim dokumentom Lokalnim ekološkim akcionim planom (LEAPom) i /ili Kantonalnim plan zaštite okoliša i ima određeni stupanj povoljnog utjecaja na okoliš i održivi razvoj,
- Izjava aplikanta o povoljnom utjecaju na okoliš i održivi razvoj,
- Izjava aplikanta o spremnosti sufinanciranja pojedinih projekata u procentualnom iznosu od ukupne vrijednosti projekta, gdje prednost imaju projekti sa procentualno većim učešćem u sufinanciranju pojedinog projekta;
- Izjava aplikanta i dokaz o nastavku započetih projekata (ukoliko se projekt radio prethodnih godina), a za čiji završetak je potrebno zajedničko financiranje;
- Ostali izvori prihoda za sufinanciranje projekta od strane drugih donatora (dostaviti dokaz).

Na prijedlog Ministra, Vlada SBK donosi Odluku o raspodjeli i izdvajanju sredstava korisnicima.

Dokazi iz kriterija na temelju kojih će se dodatno virjednovati i to za programske oblasti kako slijedi:

Programska oblast 1: prednost programima/projektima koji imaju veće učešće u sufinansiranju kandidiranog projekta (Napomena: maksimalno sufinanciranje iz sredstava Fonda je 25% u odnosu na visinu traženih sredstava);

Programska oblast 2: Značaj objekta (obrazovni, zdravstveni, kulturni, povijesni, umjetnički); kvaliteta kandidiranih programa /projekata i njihov doprinos u oblasti uštede energije i to: socijalni značaj kandidiranih programa/projekata (veći broj korisnika objekta), ekonomski značaj (moguće veće uštede energije za ista financijska sredstva).

Programska oblast 3: Postojanje projektne dokumentacije i/ili urbanističke suglasnosti;

Programska oblast 4: Postojanje dozvole za aktivnosti male privrede u upravljanju otpadom/okolišna dozvola

Programska oblast 5: Ove aktivnosti su dužne provoditi nadležne općinske institucije koje prethodno pripreme plan uništavanja korovske vrste (ambrozija). (Napomena: Aplikant mora osigurati vlastito učešće u iznosu od 10% od vrijednosti prijavljenog projekta. Maksimalni iznos sredstava koja se mogu dodijeliti po projektu je 1.000,00 KM),

Programske oblasti 1,2,3,4,5: dokazi o provedenoj proceduri odabira konsultanta u skladu sa ZJN-a sa specifikacijom usluga iz tendera, ako je ista već provedena.

Programske oblasti 1,2,3,4,5: Izjava da je aplikant dostavio izvješće o realizaciji projekta iz prethodne godine ukoliko je ministarstvo sufinanciralo/financiralo neki projekt istog.

Povjerenstvo za stručnu ocjenu će razmotriti pristigle prijave po objavi Javnog oglasa i ocijeniti ispunjenost osnovnih minimalnih uvjeta za odobravanje istih, potom bodovati prema osnovnim stručnim kriterijima i sačiniti popis svih dostavljenih i prihvatljivih prijava s obrazloženjem i mišljenjem.

Popis svih prihvatljivih prijava Povjerenstvo za stručni odabir dostavlja ministru, koji izrađuje popis projekata za sufinanciranje/financiranje na bazi Javnog oglasa za dodjelu sredstava za realizaciju programa, projekata i sličnih aktivnosti iz područja zaštite okoliša za 2021. godinu.

Na prijedlog Ministra, Vlada KSB/SBK donosi odluku o raspodjeli i izdvajanju sredstava korisnicima.

V. NAČIN DOSTAVE PROJEKTA – PROGRAMA

Obrazac za prijavu po ovom Javnom oglasu i Smjernice za korisnike sredstava Fonda za zaštitu okoliša SBK/KSB, mogu se preuzeti na službenoj web stranici Vlade KSB/SBK: www.sbk-ksb.gov.ba

Dostavljanje prijava projekata se vrši u zatvorenim neprovidnim kovertama poštom ili osobno na adresu:

**Ministarstvo prostornog uređenja, građenja, zaštite okoliša,
povratka i stambenih poslova
Stanična 43, 72270 Travnik**

„PRIJAVA NA JAVNI OGLAS ZA KORISNIKE SREDSTAVA FONDA– 1,2,3, 4 ili 5 : _____ - NE OTVARAJ“

Javni oglas za kategorije pod rednim brojevima 1,2,3,4,5 ostaje otvoren počevši od 06.03.2023.godine do 31.03.2022.god. i biti će objavljen na oglasnim pločama općina KSB/SBK i web stranici Vlade KSB/SBK: www.sbk-ksb.gov.ba.

Prijave na Javni oglas po kategorijama 6,7,8,9 se dostavljaju kontinuirano od trenutka objave Oglasa pa do utroška sredstava.

Rok za donošenje odluke Vlade o odobrenju sredstava za kategorije 1,2,3,4,5 je do 60 dana od dana zatvaranja Javnog oglasa.

Nakon donošenja Odluke Vlade o odobrenju sredstava, korisnik zaključuje Ugovor sa Ministarstvom.

Važne napomene:

U kuverti može biti samo **jedan** projekt, a na kuverti mora biti jasno naznačeno PRIJAVA NA JAVNI OGLAS ZA KORISNIKE SREDSTAVA FONDA KSB/SBK 1, 2, 3, 4 ili 5 - NE OTVARAJ.

Da bi aplikant ušao u konkurenciju za odabir po Javnom oglasu, mora ispuniti pravno-formalne uvjete iz ovog Javnog oglasa – odnosno dostaviti kompletnu obveznu dokumentaciju. Nepotpune i neblagovremene prijave neće se uzimati u razmatranje.

Ministarstvo ne snosi nikakve troškove aplikanta, nastale sačinjavanjem i predajom aplikacije i aplikant nema bilo kakva prava na naknadu bilo kakvih troškova po osnovu učešća na ovom javnom oglasu. Prispjela dokumentacije neće se vraćati.

Dodatne informacije mogu se dobiti na telefon: **030/511-311**.

Broj: 07-11-1447/23
Travnik, 03.03.2023.g.



MINISTAR

Amir Šećibović, prof